



«ԼՈՐՈՒ ՄԱՐԶ» ԹԵՐԹԻ ԽՄԲԱԳՐՈՒԹՅՈՒՆ» ՓԲԸ

«Edition of «LORU MARZ» JSC. Marzpetaran, 4-rd floor, Haik Square, Vanadzor, Armenia

✉ Հայաստան, ք.Վանաձոր, Հայքի հրապարակ  
Լոռու մարզպետարան, 4-րդ հարկ  
☎ (0322) 2-03-20

02.06. 2021 թ.  
Թիվ 5

ՎԱՆԱԶՈՐԻ ՔԱՂԱՔԱՊԵՏ  
ՄԱՍԻԿՈՆ ԱՍԼԱՆՅԱՆԻՆ

Պարոն Ասլանյան.

Մեծ է «Ինտերկապ» բարեգործական միության նախագահ Լորայր Զուլոյանի վաստակն իր հայրենի Վանաձոր քաղաքում:

Մինչ բարեգործական միության հիմնադրելը, նա հսկայական դեր է խաղացել քաղաքում ֆուտբոլի զարգացման գործում: Նույնիսկ կազմակերպել է մեր թիմի ընկերական հանդիպումները եվրոպական երկրներում: «Ինտերկապի» գործունեության մասին միայն «Վերածնունդ» և «Լոռու մարզ» թերթերում տպագրված հոդվածները մի քանի ստվարածավալ հատորներ կկազմեն: Եվրոպայից բերված դեղորայքը, բուժարքավորումները, հագուստը երկրաշարժից հետո երկու տասնամյակ շարունակ անվարձահատույց բաժանվել են ոչ միայն Վանաձորում և հանրապետության այլ քաղաքներում, այլև Արցախում, հատկապես առաջին պատերազմի ժամանակ:

«Ինտերկապին» անվերապահորեն վստահել և վստահում են ոչ միայն մեր երկրում, այլև Գերմանիայում, Ֆրանսիայում, Հոլանդիայում, Եվրոպական այլ երկրներում:

Լորայր Զուլոյանի վերջին նախաձեռնությունը, որի իրագործումն անհնարին էր թվում, Զորավար Անդրանիկի հուշարձանի համար Հայաստանում և արտասահմանյան բազմաթիվ երկրներում կազմակերպված հանգանակությունն էր: Բոլորին է հայտնի, որ այս նախաձեռնությունը նույնպես հաջողությամբ պսակվեց:

Այսօր էլ Ն. Զուլոյանը բազմաթիվ հայրենապաստ մտադացումներ ունի, որոնք հերթով կյանքի է կոչելու իր վայելած համընդհանուր սիրո և հարգանքի շնորհիվ:

Այս տարի լրացավ Ն. Զուլոյանի ծննդյան 70-ամյակը, որն իր խնդրանքով աննկատ անցավ նկատի ունենալով արցախյան վերջին պատերազմից հետո երկրում տիրող իրավիճակը:

Առաջարկում են Լորայր Զուլոյանին շնորհել «Վանաձորի պատվավոր քաղաքացի» կոչում:



ՄԱՆՎԵԼ ՄԻԿՈՅԱՆ

Զորավար Անդրանիկի հուշարձանի կառուցման նախաձեռնող խմբի անդամ,  
Հայաստանի գրողների միության նախագահության անդամ,  
ՀԳՄ Լոռու մարզային բաժանմունքի նախագահ,  
«Լոռու մարզ» և «Երկունք» թերթերի գլխավոր խմբագիր, բանաստեղծ

ՀՀ ԼՈՐՈՒ ՄԱՐԶ  
ՎԱՆԱԶՈՐԻ ՀԱՄԱՅՆՔԱՊԵՏԱՐԱՆ  
«02» 06 2021 թ  
Մտից N 01 Գործ N 7841